

probanda erat. Omitto quòd sacramentalem vocant, in qua nihil Sacramento affine reperietur. Nullū enim illic Dei mandatū: nulla promissio: nullum symbolū diuinitus institutum. quæ tria in Sacramentis omnibus extare necesse est.

Psal. 47. b. 10.

Artic. 13.

Annotatio, Solus Deus potest iuuare homines. Bibliis 15 45.

Censura, Hæc annotatio est hæretica, tollens auxilium sanctorum.

Cur non potius queruntur, mutua inter se hominum auxilia tolli? At qui palàm omnibus notum fuisset, calumniose eos piam sententiam arrodere. Quanquam non puto fuisse tam cautos. nã vbique ad farinas intēti sunt. Ergo vt quæque superstitio illis maxime lucrosa est, ita pro ea accerrime pugnant. Misera autem & deploranda Gallia conditio, quòd illic de fide & spe in Deum, de inuocatione, de toto cultu nemini synceré loqui permittitur quin statim pro hæretico eum carnifices isti ad ignem rapiant. Si simpliciter dixerit concionator quispiam, inuocandum esse Deum: orietur protinus clamor, hæresim sapere, qui de sanctis inuocandis non me-